



Universitätsbibliothek Paderborn

Exemplorvm Libri Tres

Liber Secvndvs, Siue Exempla, In Septem Capitalivm Vitiorvm
Detestationem, Per Qvadragesimam, Anno M. DC. XLVI. narrata

Stengel, Georg

Ingolstadii, 1650

§. 18. Acediam omni studio exutiendam.

[urn:nbn:de:hbz:466:1-48186](#)

JIVK
ANNE DE
Cassian. Col.
lat. 4. c. 19.
Apoc. 2. 4.

Prou. 20. 4.

S. Bern de
triplici custo-
dia.

S. Bonavent.
in diæta salu-
tis tit. 1. c. 7.

Iob. c. 40.

2. Cor. 6. 15.
Cassian. l. 10.
cap. 7.

XVIII.
ACEDIAM OM-
NI STUDIO
EXCVTIEN-
DAM.
S. Damasc.
lib. 2. de fid.
Eccl. 9. 10.

Cic. de se-
neca.

eos fulciat, aut excitet admonitione. Siquidem acedia gratiam Dei incidit, tantamque Deo nauseam creat, ut tepidos, inertes, otiosos, quos jam in visceribus repperat charitatis, noxiè tepefactos, cum quadam conuulsione pectoris sui euomendos esse pronunciet, teste Cassiano. Et iuste profectò: quia dies salutis neglexerunt datos ad operandum. Propter frigus piger, arare noluit; mendicabit ergo astate, & non dabitur illi. Nimurum, qui vegetus, ob difficultatem, virtutes neglexit exercere, in morte æstuans, Dei Sanctorumque ope frustra implorata, totus inops relinquetur. Libet, aiunt, fabulari (verba sunt S. Bernardi) donec hora prætereat, hora, quam tibi ad agendum pœnitentiam, ad obtainendam veniam, miseratio Conditoris indulget. Donec transeat, inquit tempus, quo diuinam tibi repropitiare debueras pietatem, properare ad Angelicam societatem, suspirare ad amissam hereditatem, excitare remissam voluntatem, flere commissam iniquitatem. Cur tales Deus non euomat ex ore? cur illi non tandem neget tempus pœnitentiae? qui tempus pœnitentiae in malitia occasionem commutat? & velut inulta terra, pro spicis spinas, pro frugibus tribulos gignit? virtutibus vacuus, vitijs plenus: vel certè salici similis, ut eum S. Bonaventura comparat, quæ nullum fructum, sed umbram duntaxat, facit: nullum enim boni operis fructum, sed umbram solum facit & refrigerium diabolo, de quo Iob ait: Circumdat eum salices infreñosa. Ita piger & puluinar, & umbra diaboli, non dat locum Deo. Quæ enim conuentio Christi ad Belial? Dat autem locum diabolo. Notum est enim illud, apud Cassianum, Operantem damnum uno pulsari, otiosum verò innumeris spiritibus deuastari.

Atque hoc optimum est, contra hoc vitium, remedij genus, assiduus labor, desidiae è diametro oppositus. Si enim acedia est tristitia agrauans mentem, ut nihil boni ei agere libeat, quemadmodum Damascenus docet, profectò ei locum non dabit, quisquis à diuino opere non est cessaturus. Ad quem laborem nos excitat & vita breuitas, & authoritas scripturarum dicentis: Quodcumque facere potest manus tua, instanter operare, quia nec opus, nec ratio, nec sapientia erunt apud inferos, quò tu properas. O quot horæ prætereunt otiosis, quibus cœlum mereri possent! hodie cessant, quasi crastina dies certa sit? in iuuentute nugantur, quasi pro seruis agendis, quisquam sibi possit promittere senectutem? Quis tam stultus est, ait Cicero, quamvis sit

nis sit adolescens, cui sit exploratum, se ad vespeream esse vieturum? Hec,
inquit D. Leo, sollicitissima meditatio debet esse sapientis, ut, quoniam
breves dies istius vita, & incerta sunt statia, nunquam sit mors morituro
improna; nec in inordinatum incidat finem, qui se nonuit esse mortalem.

Non nouerat Parisiensis ille adolescens, hinc imparatus erat. Immo,
 etiam postquam morbus eum docuit, mortem non procul abesse,
 desidiam non abiecit; quia mens non inest centauris, & ille in ma-
 jo induruit. Lapidès non nisi magnis artibus molliuntur: nec tar-
 dum animal asinus sinit se ad ludos Circenses, & stadia decurnda
 erudiri. Superest oratio, qua isti sibi excutiant torporem. Ad dor-
 mientes, & nocte dormientes sed dormientes, in loco orationi de-
 stinato, dixit Christus: *Vigilate, & orate, ut non intretis in tentatio-*
nem. Sed quia pigrorum non est vigilare; neque orare dormien-
 tium, saltem vigilantes orent, pro ijs, qui profundo peccatorum
 somno demersi nesciunt, vigilentne, an somnient: & ad pij fratribus,
 de quo dixi, exemplum, *ignito eloquio* torpentes extimulent, adi-
 gantque ad SS. Sacraenta, præfertim Pœnitentiæ atque Euchari-
 stiæ frequentanda, quod itidem frater ille fructuosè fecit. His enim
 cor hominis purgari, confirmari, & ad bene agendum solet robo-
 rari: per hæc Spiritu S. in præcordia admisso, solet homo, quan-
 tumuis crassus, quantumuis in nauibus, immo sordibus educatus,
 quantumuis frigidus & tardus ita inflammari, vt jam feruidè cur-
 rat, qui antea languidè desidebat. *Nescit tarda molimina Spiritus san-*
cti gratia. Et vel Sallustius dixit: *Ubi socordia atque ignavia te tradi-*
deris, ne quicquam deos implorabis. Ut ergo Spiritus diuinus te in-
 flammet, ignaviam detestare: quam magis detestaberis hoc Spiritu
 incensus. Antiquum remedium est:

Qui non vult fieri desidiosus, amet.

Deum amans calebis. Calor veloces, frigus tardos facit. Arden-
 tissimè in via Domini progrediuntur, qui igne hoc cœlesti in-
 calescunt. Est enim Sanctus Spiritus iste vita nostra spiritualis;
 est spiritui nostro, quod est spiritus noster carni nostræ. Gran-
 de est discrimen inter spiritum & carnem: *Spiritus promptus* Matth. 16. 41.
est, caro infirma. Spiritus est res subtilis: caro est crassa. Spir-
 itus est res incorporea, simplex, viua, mobilis, pura, intelligens, im-
 mortalis: caro est res corporea, multiplex, impura, sordida, torpens,

Aa sensu

S. Leo. serm.
5. de iejun. 7.
mensis.

Matth. 16. 41.

sensu & ratione destituta, corruptioni obnoxia. Et tamen spiritus iste, anima, inquam, si carni vniatur, vi sua, præsentiaque carnem mirabiliter extollit, ad se trahit, sibiique ita copulat & iungit, ut caro fiat viua, pulchra, mobilis, bonorum animæ particeps, & quodammodo spiritualis. Denique unus ex utroque homo constat; qui quamuis, ratione carnis, sit corporeus, mortalis, & rationis expers; tamen ratione animæ, eiusque naturæ, est incorporeus, immortalis, & mente ornatus; aptus ad intelligendum, idoneus ad agendum & operandum. Uno verbo, per hanc animæ cum corpore coniunctionem, corpus animatur; &, quod alioqui, suo ponderi, descendit & aggrauat animam, ab anima tamen ad summa eleuatur, ut viuat, ut videat, ut audiat, ut ambulet, ut currat, sensibusque omnibus rectè uti possit. Quale igitur est corpus, seu caro, sine, aut cum anima; talis est ipsa quoque anima nostra, sine, aut cum S. Spirito. Quo si caret, anima nostra infirma est; si autem eo Spiritu prædicta est, viribus pollet. Ille enim *infirma nostri corporis virtute firmans perpeti*, ad opera pietatis nos promptos reddit. Sine hoc Spiritu, nihil nisi carnem sapiunt homines, in terrena, in crassa, in impura, in sordida, more pecorum, & tanquam obesi porciferruntur; torpent; corrumpuntur; denique ratione & vita spirituali destituuntur, &, velut mortui iacent, sine sensu, nec se mouent; sed in sordibus suis computrescant. Quod si autem hoc Spiritu pleni, *virtute ex alto induantur*, velut, è lomno, aut à morte excitati, viuere, moueri, vigere, ac suam aliorumque æternam salutem cūpientissimè curare incipiunt: ut videre fuit, in Apostolis, qui & ipsi, ante S. Spiritus aduentum, Iudaorum metu, domi se, intraque parietes continebant; postquam autem Spiritus ille vehemens linguis igneis eos inflammavit, tanquam vitali calore concepto, animati prodierunt, Christum, coram omni tribunali, & *ante omnes reges, & praesides*, & tyrannos, heroica libertate, professi. Quid multis opus est? *In omnem terram exituit sonus eorum, & in fines orbis terra verba eorum*; Christi caussa, paratorum omnia facere, omnia pati. Hunc ergo Spiritum, si abest, vocemus & inuocemus; si adest, non contristemus; eo præsente, vigor & ardor, vita & virtus erit in nobis. Cuius rei exemplum & imaginem expressit, quando *formauit Dominus Deus hominem de limo terra, & inspirauit in faciem eius spiracula*

Luc. 24. 49.

Act. 5. 41.
Luc. 21. 12.

Psalm. 18. 5.

Gen. 2. 7.

eulum vita, & factus est homo in animam viuentem. Limus terre sumus, & pigrum lutum, è quo nos non Prometheus aliquis, sed diuinus figulus finxit. Spiraculum vitæ spiritualis est S. Spiritus. Itaque tunc demum in animam spiritualiter viuentem euadimus; tunc verè in ipso vivimus, & mouemur, & sumus, si hoc vita spiraculum nobis Dominus Deus inspiret. Ad hunc lucis radium, videmus animæ nostræ & pericula, & auxilia. Hie si flabit spiritus, fluent aquæ lachrymarum; ac vera de peccatis pœnitentia, nullum relinquet locum desperationi. Hic Spiritus etiam illi, qui in profundum venit, & quæ scelerum suorum tempestas demerit, secundam post naufragium tabulæ ostendet, docebitque extremo discrimine laborantes sacram anchoram soluere; si neque docentem spernamus, neque ducentem repudiemus. Maximum præsidium est, Spiritui Sancto aditum patefacere; maximum periculum, resistere; eumque salutaria suauissimè inspirantem repellere. Quem ille à se admissum potest eredere; qui gaudet pietate; ille exclusum existimare, cui tedium est, de cœlo cogitare, nausea audire de Deo, abominatio facere ea, quæ aeternā coronam mereantur. Quis enim censeat, in illo Spiritum diuinum habitare, aut operari, qui cum Domino in latitia seruire, & de meditationibus sacris, de diuino cultu, de vsu sacramentorum, de exercitio virtutum magnum animi gaudium deberet persentiscere, tristatur, quoties illi in mentem venit aliquid diuinum? quoties ad templum eundum? quoties orandum? quoties confitenda peccata, & conscientia emacula? quoties cœli manna, Angelorum esca, epulum ineffabile, panis omnem dulcedinem habens est percipiens? quoties denique de Deo, deque rebus aeternis est audiendum? Usque quo, piger, dormies? quando consurges è somno tuo? Themistocles Hieronem cum equitatu ad ludos Olympicos venientem vetuit certamem spectare. Interrogatus, cur hominem excluderet? Non æquum esse respondit, vt is, qui maximi periculi se socium non præbuisset, ad communem conuentum ludicraq; spectacula admitteretur. Neque ad beatam illam societatem admittetur, neque cum Christo regnabit, qui in terris cum illo non vult pati. Non coronabitur, nisi qui legitime certauerit. Cœlo vis potiri? vigila; labora; suda; sine fatigatioне sursum non tenditur. Deorsum cadere possunt, non ascendere dormientes. Paralyticum in grabato

Isa. 26. 16. &
Rom. 9. 21.
Act. 17. 28.

Psal. 147. 18.

Psal. 69. 3.

Psal. 99. 2.

Prout. 6. 9.
Elian. lib. 9.
Var. c. 5.

homines ad Christum, Lazarum Angeli in sinum Abrahæ portauerunt ; pigrum nunquam ad cœlum portabunt. Super omnia laboribus vendunt. Coronam pugna, mercedem labor, præmium merita reportant. Denique regnum celorum vim patitur, & violenti diripiunt illud. Non itur illuc per rosas, sed per spinas. Nemo sibi imaginetur, in arduis, facilitatem. Qui mollem viam, qui facilitatem sectatur, facilis descensus Auerni. Hanc otiosus sedem speret. Æterna beatitudo virtutis est præmium. Pro æterna damnatione non est laborandum. Leuiore Tartara, quām sidera pretio possunt haberi. Desidia atque otio eō potest perueniri. Licet cetera vicia absint, etiam nihil fecisse, est infernum meruisse. Itaque vade ad formicam, o piger, & considera vias eius, & disce sapientiam, que cum non habeat ducem, nec præceptorem, nec principem, parat in æstatem cibum sibi, & congregat in messe, quod comedat. Tu quoque, si sapis, thesauriza tibi thesaurum in cælo.

Matth. 11, 12.

Prou. 6, 6.

Matth. 6, 20.

FINIS.

Omnia ad maiorem Numinis gloriā.



INDEX